

中國史學叢書

何炳松主編

羅隱年譜

汪德振著

商務印書館發行

中國史學叢書

何炳松主編

汪德振著

羅隱年譜

商務印書館發行

航空叢書

第三種

人像

著作者：朱 民 威

發行者：中國的空軍出版社

南京白下路東昇里二號

定價七百元

中華民國三十二年八月初版

中華民國三十五年六月再版

中國史學叢書

何炳松主編

汪德振著

羅

隱

鑑

譜

商務印書館發行

弁言

羅昭諫世多傳其談諧不經之談，鮮有知其爲有唐一代之詩人，更鮮有知其爲忠義氣節之士。今觀其遺著，忠憤每溢於言表。當時海內鼎沸，亂臣賊子，狼恣蜂屯，致翠輦幸蜀，而昭諫亦流離落魄，故發爲詩文，皆不平之鳴，與夫忠憤之氣也。計昭諫自二十七歲隨貢，至五十五歲已暮年矣，方遇錢鏐。此二十八年中，艱難險阻，窮餓相接，一身備嘗，其詩文之所以工者，殆窮而致之歟！

梁既篡唐，進錢鏐吳越兩國，且以諫議大夫召隱，不應，勸鏐舉兵討梁，曰：『縱無成功，猶可退保杭越，奈何交臂事賊，爲終古之羞乎！』鏐雖不用，君子隄之。其凜然忠義之氣，堪並河嶽日星，視當時李山甫杜荀鶴輩，顯若鸞鳳，區以別矣。唐時重進士科，於季世往往取非其人，甚至巢寇亦進士也，而失之於隱者，誠若其序陳先生集（見羅昭諫集）所謂非常之人乎！

余忝與昭諫同里閭，平時雅慕其爲人，屢思編纂年譜，終以覓材匪易而止。今夏閒居梓鄉，長日多暇，乃就羅昭諫集（八卷，康熙刊本）甲乙集（十卷，影宋本）讒書（五卷，拜經樓本）新登欽

賢羅氏宗譜、新登歷代志乘、與當時史載及廣檢名人生卒暨兩浙錢鏐事績相纂合，成羅隱年譜一書。非敢侈言著述，聊免散佚，兼以是正世俗對於羅隱之觀念云爾。

民國二十四年夏新登汪德振艸于甌江岸上

羅昭諫年譜

羅氏世系表（錄新登欽賢羅氏宗譜）

僊

字同知。（萬曆新城縣志作宜知）福州羅唐縣令。自長沙遷新。
生於唐天寶五年丙戌五月初五日寅時。
卒於元和八年癸巳八月十四日申時，年六十八。

知微

福州縣令。

脩古

應開元禮。

隱

字昭諫，本名機，十上不第更今名。累官鎮塘令，鎮海軍營書記，節度判官，鹽鐵發運副使，著作郎，司勳郎中，諫議大夫給事中。賜金紫。
娶吳興沈氏。繼娶錢塘杜氏。

塞翁

鎮海軍節度推官。

孝

權

娶朱氏。

世系表內生卒年月，除羅僊外，餘均詳昭諫年譜內。

羅僊，宗譜作福州福清縣令。沈崧撰羅給事墓誌同。按福清唐初爲長樂縣地，尋析置萬安縣，改曰福唐。五代梁改爲永昌。唐復爲福唐，改曰福清。僊在唐時，當無福清之稱，因改正之。

傳

羅隱字昭諫，新登縣人也。祖知微，福唐縣令。父修古，應開元禮。隱本名橫，凡十上不中第，遂更名。初從事湖南，歷淮潤，皆不得意，乃歸新登。及來見王（錢鏐）懼不見納，遂以所爲夏口詩，標於卷末云：『一箇福衡容不得，思量黃祖謾英雄』之句。王覽之大笑，因加殊遇，復命簡書牌之曰：『仲宣遠託劉荊州，都緣亂世；夫子辟爲魯司寇，只爲故鄉。』隱曰：是不可去矣。王初授鎮海節度時，命沈崧草謝表，盛言浙西繁富，成以示隱，隱曰：『今浙西兵火之餘，日不暇給，朝廷執政，方切於賄賂，此表入奏，執政豈無意於要求耶！』乃請更之，其略曰：『天寒而麋鹿常游，日暮而牛羊不下。』朝廷見之曰：此羅隱辭也。及爲賀昭宗更名暉表曰：『左則虞舜之全文，右則姬昌之半字。』當時京師，稱爲第一。隱性不喜軍旅，惟與丞相杜建徽善。王初成西府，命賓僚巡覽，顧謂左右曰：百步一敵樓，足以言金湯之固。隱徐曰：敵樓不若內向。及徐許之亂，人皆以爲先見。一日隱寢疾，王親臨撫問，因題其壁云：『黃河信有澄清日，後代應難繼此才。』隱起而續末句云：『門外旌旗屯虎豹，壁間章句動風雷。』隱由是以

紅紗罩覆其上，其後固無文嗣。隱累官錢塘縣令，尋授鎮海軍掌書記，節度判官，鹽鐵發運副使，授著作佐郎，司勳郎中，歷遷諫議大夫給事中，賜金紫，卒年七十七歲。所著江東甲乙集，淮海寓言，及讒書後集，並行於世。初新登麗江，常有青白二氣亘於江上，晝夜不滅，及隱泊丞相杜建徽生，二氣不復見，識者以爲文武秀氣焉。

萬曆新城縣志，康熙新城縣志，道光新城縣志，民國壬戌新登縣志，咸淳臨安志，杭州府志，羅氏宗譜等，雖各爲羅隱撰傳，但傳內缺少事實，統篇都係考語，略無可取，此皆爲方志宗譜之通病也。茲錄吳越備史羅隱本傳，記隱一身，較爲詳實。

里居考

吳越備史 羅隱本傳，作新登縣人。萬曆，康熙，道光，浙江新城縣志作新城人。康熙年刊羅昭諫集同。惟宋刊甲乙集作餘杭羅隱，通鑑亦作餘杭。而五代詩話，又作隱錢塘人。案新城舊時同名者，計有濱江道新城縣，現改爲扶餘；濟南道新城縣，現改爲桓臺；豫章道新城縣，現改爲黎川；貴西道新城縣，現改爲興仁；保定道新城縣，則仍舊名；錢塘道新城縣，改爲新登。此即羅昭諫里居之新登縣也。按此新登，未改之前，亦曾稱新登，考沈休文宋志：吳黃武五年間，分富春，立桐廬，又立新城，此有新城之始也。又考十國春秋云：梁開平初，避廟諱，敕改爲新登，此稱新登之始也。嗣後至宋太平興國四年，復以新登爲新城。（見浙江通志）迄于清代仍稱新城。（屬杭州府）至民國則改新城縣名之復出者，浙江錢塘道之新城（即羅昭諫里居之新城）改爲新登。唐書地理志：新城屬杭州餘杭郡，故甲乙集 通鑑之稱餘杭者，特稱郡耳。至五代詩話稱錢塘人者，則誤錢塘令爲錢塘人。蓋昭諫於光啓三年，錢氏表爲錢塘令。（見吳越備史）綜上所述，昭諫里居爲今浙江之新登縣。又按新登徐厚齋聞雲

錄，羅隱爲新登欽賢里，人卽俗呼七里羅家。（地多羅姓，爲昭諫後裔，）縣東鷄鳴山麓，有隱讀書臺。新登縣志，勝蹟門，羅隱古宅，在城東三里鷄鳴山下，屬昌定鄉，里名欽賢，清溪繞前，山巒環後，邑人共建東白院。今久湮沒，唯讀書臺基尙存，有古桂天矯，相傳爲昭諫手植。

年譜

唐文宗太和七年癸丑 民國紀元前一〇七九年

一歲。

正月二十三日辰時，誕生於浙江新城縣，（避梁諱改新登）欽賢里。（見新登欽賢羅氏宗譜）
龜江岸上，常有青白二氣亘江上，晝夜不滅，至隱與杜建徽生，二氣不復見；識者以爲文武秀氣焉。

（吳越備史新城縣志）

欽賢羅氏宗譜，作生於太和六年，茲據歷代名人年譜，及沈崧撰羅給事墓誌更正。

閏八月。

唐文宗太和八年甲寅 民國紀元前一〇七八年

二歲

唐文宗太和九年乙卯 民國紀元前一〇七七年

三歲。

十月三十日隱弟權生。（權因乏嗣，卒年失考。見羅氏宗譜。）

唐文宗開成元年丙辰 民國紀元前一〇七六年

四歲。

閏五月。

八月十五日卯時，隱妻吳興沈氏生。（羅氏宗譜）

唐文宗開成二年丁巳 民國紀元前一〇七五年

五歲。

司空表聖圖生。

唐文宗開成三年戊午 民國紀元前一〇七四年

六歲。

杜牧上李德裕書，論上黨事。（資治通鑑）

三月十二日寅時，隱繼妻錢塘杜氏生。（卒於梁末帝貞明二年。年七十有九，見羅氏宗譜。）

唐文宗開成四年己未 民國紀元前一〇七三年

七歲。

韶年夙慧，稚齒能文。（沈崧撰羅給事墓誌）

裴度中立卒，年七十五歲。

唐文宗開成五年庚申 民國紀元前一〇七二年

八歲。

唐武宗會昌元年辛酉 民國紀元前一〇七二年

九歲。

閏九月。

唐武宗會昌二年壬戌 民國紀元前一〇七〇年

十歲。

劉禹錫夢得卒，年七十一歲。

唐武宗會昌三年癸亥 民國紀元前一〇六九年
十一歲。

賈島浪仙卒，年五十六歲。

唐武宗會昌四年甲子 民國紀元前一〇六八年
十二歲。

閏七月。

唐武宗會昌五年乙丑 民國紀元前一〇六七年
十三歲。

唐武宗會昌六年丙寅 民國紀元前一〇六六年
十四歲。

八月白居易樂天卒，年七十有五。

唐宣宗大中元年丁卯 民國紀元前一〇六五年

十五歲。

閏三月。

牛僧孺思黯卒，年六十九歲。

唐宣宗大中二年戊辰 民國紀元前一〇六四年

十六歲。

唐宣宗大中三年己巳 民國紀元前一〇六三年

十七歲。

李德裕文饒卒，年六十三歲。

唐宣宗大中四年庚午 民國紀元前一〇六二年

十八歲。

六月二十三日亥時，隱子塞翁生。（卒于後唐明宗長興三年壬辰十月十一日子時。見羅氏宗譜。）

唐宣宗大中五年辛未 民國紀元前一〇六一年

十九歲。

唐宣宗大中六年壬申 民國紀元前一〇六〇年

二十歲。

二月十六日吳越王錢鏐生。（卒于後唐長興三年壬辰，年八十一歲。）

閏七月。

隱舉進士不第。

沈崧羅給事墓誌：『弱冠舉進士，高文善價，籍甚廣場。才了十人，學殫百氏；宣名富縣，譽播寰區。唯應鮑謝曹劉，足堪並駕；若遇王楊盧駱，必共爭鞭。立言而克當典謨，屬思而盡成風雅。華歆名著，合處龍頭；李廣數奇，自傷猿臂……』

十月二十一日梁太祖朱晃生（卒于梁乾化二年壬申，年六十一歲。）

杜牧牧之卒，年五十。